



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ŠUMARSKO UDRUŽENJE FEDERACIJE BOSNE I HERCEGOVINE – UŠIT FBIH**  
**FORESTRY ASSOCIATION OF FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

Lanište-Ključ, 20.03.2019. godine  
Broj: 01/S/19

**ZAPISNIK**  
**SA XIX. REDOVNE SKUPŠTINE**  
**UDRUŽENJA INŽENJERA I TEHNIČARA ŠUMARSTVA FEDERACIJE BiH**

Održane u Šumarskom domu „Lanište“ – Općina Ključ (ŠPD „Unsko-sanske šume“) na Laništu u srijedu 20.03.2019. godine, sa početkom u 11:00 sati.

Prisutno je bilo 43 (četrdesettri) delegata, a odsutno 22 (dvadesetdva) delegata uz prisustvo 9 (devet) gostiju.

Predsjednik Skupštine je nakon obavjesti utvrdio da postoji kvorum za njeno održavanje, te je upitao delegate da li imaju pitanja vezana za rad Udruženja u proteklom periodu.

Pošto nije bilo pitanja, Skupštini je predložio sljedeći

**DNEVNI RED**

1. Otvaranje Skupštine, izbor Radnog predsjedništva i zapisničara.
2. Pozdravne riječi.
3. “53. EFNS Sarajevo-Igman 2021.” – prezentacija organizacije Evropskog šumarskog takmičenja u nordijskim ski disciplinama.
4. Razmatranje i usvajanje zapisnika sa XVIII. Redovne Izborne Skupštine UŠIT-a FBIH.
5. Razmatranje i usvajanje:
  - a) Izvještaja o radu za 2018. godinu.
  - b) Finansijskog izvještaja za 2018. godinu.
  - c) Izvještaja Nadzornog odbora za 2018. godinu.
6. Razmatranje i usvajanje:
  - a. Plana rada za 2019. godinu.
  - b. Finansijskog plana za 2019. godinu.
7. Prijedlog Odluke o plaćanju pojedinačne članarine u Udruženju.
8. Tekuća pitanja.

Predsjednik Skupštine je stavio dnevni red na razmatranje, te je predložena dopuna dnevnog reda i Skupština donosi sljedeći

**ZAKLJUČAK**

- Jednoglasno se usvaja predloženi dnevni red XIX. Redovne Skupštine Udruženja uz dopunu dnevnog reda u tački 3. “14. Alpe-Adria šumarska olimpijada” – prezentacija.
- Dnevni red sa dopunom:



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ŠUMARSKO UDRUŽENJE FEDERACIJE BOSNE I HERCEGOVINE – UŠIT FBIH**  
**FORESTRY ASSOCIATION OF FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

#### DNEVNI RED

1. Otvaranje Skupštine, izbor Radnog predsjedništva i zapisničara.
2. Pozdravne riječi.
3. “14. Alpe-Adria šumarska olimpijada” – prezentacija.
4. “53. EFNS Sarajevo-Igman 2021.” – prezentacija organizacije Evropskog šumarskog takmičenja u nordijskim ski disciplinama.
5. Razmatranje i usvajanje zapisnika sa XVIII. Redovne Izborne Skupštine UŠIT-a FBIH.
6. Razmatranje i usvajanje:
  - d) Izvještaja o radu za 2018. godinu.
  - e) Finansijskog izvještaja za 2018. godinu.
  - f) Izvještaja Nadzornog odbora za 2018. godinu.
7. Razmatranje i usvajanje:
  - c. Plana rada za 2019. godinu.
  - d. Finansijskog plana za 2019. godinu.
8. Prijedlog Odluke o plaćanju pojedinačne članarine u Udruženju.
9. Tekuća pitanja.

Ad. 1. Predsjednik Skupštine je zvanično otvorio XIX. Redovnu Skupštinu Udruženja, te je po Poslovniku o radu Skupštine Udruženja predložio za Radno predsjedništvo Skupštine sljedeće delegate: Cvita Zrno - član, Nedžad Haračić - član i Ahmet Lojo - predsjednika Radnog Predsjedništva, a za zapisničara Azera Jamakovića, te je nakon iznešenih prijedloga, Skupština donijela sljedeći

#### ZAKLJUČAK

- Jednoglasno se usvaja prijedlog Radnog predsjedništva i zapisničara XIX. Redovne Skupštine Udruženja.

Ad. 2. Skupštini su se sa pozdravnim riječima, te željama za uspješnim radom Skupštine, obratili: mr.sc. Mensud Tuzlak – izvršni direktor ŠPD “Unsko-sanske šume” d.o.o. Bosanska Krupa, kao domaćin Skupštine, Nedžad Zukanović – načelnik Općine Ključ i Refik Hodžić, dipl.ing.šum. predsjednik Udruženja, koji je zamolio prisutne da se učenjem Fatihe i minutom ćutnje sjetimo svih kolega koji su preminuli između dvije Skupštine Udruženja. Dalje se zahvalio direktoru i menadžmentu ŠPD-a “Unsko-sanske šume” na podršci na organizaciji ove Skupštine. Zahvalio se i načelniku Općine Ključ na dolasku, kao i bivšem predsjedniku Udruženja Ahmetu Sejdiću, koji je također prisutan na Skupštini, te direktorima i izvršnim direktorima ŠPD-a, koji su prisutni. Istakao je važnost postojanja Udruženja i pogotovo što je jedini svijetli primjer u posljednjih deset godina u sektoru šumarstva. Mlađi trebaju da preuzmu ulogu daljeg vođenja Udruženja i da se borimo i radimo na unaprijeđenju struke i samo zajedno se možemo izboriti za naše ciljeve.



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH**  
**FORESTRY ASSOCIATION OF FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

Ad. 3. Naser Gegić, dipl.ing.šum. prezentirao je “14. Alpe-Adria šumarsku olimpijadu” koja okuplja učenike srednjih šumarskih škola iz Evrope, gdje se učenici takmiče striktno u sjekačkim disciplinama. Ove godine ima ukupno 10 zemalja, a takmičenje je međunarodnog karaktera. Prijavljeno je 180 učesnika što je do sada najviše. Učesnici sami snose troškove smještaja, a domaćin treba obezbijediti šumske drvne sortimente. Zatražio je podršku i preduzeća šumarstva u granicama svojih mogućnosti, a škola je poslala svim ŠPD-ovima zahtjev za podršku. Održava se 11. i 12. aprila 2019. godine na platou ispred stare Srednje šumarske škole na Ilidži.

Ad. 4. Generalni sekretar Udruženja prezentirao je projekat “53. EFNS Sarajevo-Igman 2021.” objasnivši prisutnima šta je skijaško trčanje i biathlon u okviru nordijskih ski disciplina. Rekao je da se priprema dolazak tehničkog delegata ispred IBU-a (Međunarodne biatlon unije) koji treba da pregleda streljište i staze. Naglasio je da su održani sastanci sa SKI savezom BiH, KJP „Sarajevo šume, Upravom za šumarstvo KS, KJP „ZOI 84” i u daljim aktivnostima ide se prema Vladi KS kao projekat EFNS-a proglasi kao javni interes. Tražit ćemo sredstva za unaprijeđenje biatlon i cross country infrastrukture na Velikom Polju na Igmanu. Pored cross country staza pripremljenih za EYOF, staze za biatlon koje bi se uradile za EFNS pomogle bi Igmanu smislu da bude jedan od rijetkih ski centara u svijetu na kojem bi se mogle organizirati dva međunarodna takmičenja u skijaškom trčanju i biatlona u okviru dvije međunarodne asocijacije FIS i IBU. Predat je zahtjev i Federalnom ministarstvu kulture i sporta za dobijanje potrebnih dozvola. Zamislili smo da okupimo mladi tim šumara koji bi se takmičili, a koji bi i učestvovali u pripremi organizacije. Isti bi obavezno trebali znati jedan strani jezik, kako bi učestvovali u organizaciji EFNS-a, stekli nova poznanstva među šumarima Evrope i nastavili dalji razvoj ove ideje među našim kolegama.

Presjednik Udruženja je rekao da je bio u Njemačkoj gdje je održan 51. EFNS. Tamo se održala prezentacija svake zemlje i nacije, gdje smo i mi imali prezentaciju koju je pripremio generalni sekretar Udruženja. Naglasio je da ne smijemo ispustiti ovu priliku da organizujemo ovo takmičenje na visokom nivou. Ovu manifestaciju organizuje UŠIT FBiH koji čine sva kantonalna šumsko privredna društva, a ne samo Sarajevo šume. Ovo se ne može ni napraviti bez pomoći privrede, kantona i Grada Sarajeva. Prestoji velika obaveza organizacionog odbora i tima oko organizacije. Vrlo brzo ćemo održati sastanak sa direktorima ŠPD-a. Iduće godine organizujemo odlazak na EFNS u Poljsku, gdje trebamo kao domaćin preuzeti zastavu EFNS-a. Zatražit ćemo i podršku bivšeg predsjednika Udruženja i OK EFNS-a Ahmeta Sejdića da nam pruži savjetodavnu podršku u organizaciji.

Predsjednik Skupštine je rekao da moramo pokazati svoje pravo lice, kako bi osvijetlili obraz struke i države. Ovo je odgovoran posao i lako možemo da podbacimo, ako se dobro i ozbiljno ne pripremimo.

Ahmet Sejdić je pozdravio sve prisutne i naglasio da se ovaj projekat mora dobro ozbiljno shvatiti, te pripremiti kvalitetan plan. Teorije imamo i to neće faliti. Imamo zarađen dobar rejting, rejting dobrog domaćina i ne trebamo podbaciti, nego ga povećati. Treba puno ulaganja Sarajevo šuma i streljište da se čim prije uradi i to je osjetljiv posao. Sarajevo kao olimpijski centar je to trebao pripremiti za EYOF, ali ne želim to komentirati. Ozbiljno planirati idući put i treba biti bolji i treba biti povod da iz svih preduzeća mladi ljudi uđu u ovo i da se pripreme takmičenje i ovdje obećajem da će klub koji vodim



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH**  
**FORESTRY ASSOCIATION OF FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

dati obuku i opremu za šumare. Ski trčanje je jako zdrava sadržina i daje vrlo dobre rezultate za zdravlje i pokreću se svi mišići. Svo iskustvo dajemo na raspolaganje oko planiranja. Želim puno uspjeha u radu i naglašavam da Udruženje radi vrlo važan državni posao. Ovo je državni posao i u nedostatku zakona ovo Udruženje je vrlo značajno.

Ad. 5. Predsjednik Skupštine je stavio na razmatranje Zapisnik sa XVIII. Redovne Izborne Skupštine UŠIT-a FBiH, te pošto nije bilo diskusije, Skupština Udruženja donosi slijedeći

#### **ZAKLJUČAK**

- Jednoglasno se usvaja Zapisnik sa XVIII. Redovne Izborne Skupštine UŠIT-a FBiH.

Ad. 6. a), b) i c) Predsjednik Udruženja je prezentirao Izvještaj o radu za 2018. godinu, dok je Finansijski izvještaj za 2018. godinu ukratko prezentirao predsjednik Skupštine i predsjednik Udruženja. Predsjednik Skupštine je istakao vrijednost rada Udruženja. Ovdje se ne postavlja pitanje šta smo mi zajednički uradili za ugled naše struke i ovo je strukovno udruženje i osnovni posao je promocija i unaprijeđenje struke, a ne lična promocija pojedinaca. Kroz Udruženje se pokazalo da vrijednost stručnih ekskurzija koje smo obavili uveliko premašuju vrijednost koju kolektivne članice godišnje plaćaju. Dosta aktivnosti očekujemo i dalje i generalni sekretar Udruženja je veoma opterećen poslom i razmišljamo da zaposlimo nekoga da mu pomogne. Vrlo je značajna finansijska podrška Udruženju. Zadnjih nekoliko godina nismo imali problem da pitamo da li će neko platiti članarinu ili da zovemo po tom pitanju i dostigli smo taj nivo. Časno je biti u Upravnom odboru Udruženja, a to je i zahtjevan posao, pogotovo što se radi volonterski.

Ahmet Sejdić je upitao šta je rezultat sastanka održanog nedavno na Šumarskom fakultetu po pitanju zaštite šuma i zaključaka sa tog sastanka, šta namjeravamo po tom pitanju i da li su zaključci dostavljeni u Parlament FBiH? To treba staviti u plan.

Predsjednik Udruženja je rekao da su zaključci otišli na sve adrese koje smo dogovorili. Svi dopisi su objavljeni i nalaze se na web stranici Parlamenta FBiH, nažalost nemamo pravog odgovora od Federalnog ministarstva poljoprivrede, vodoprivrede i šumarstva.

Pošto više nije bilo diskusije, predsjednik Skupštine je istakao da su svi prisutni dobili Izvještaj Nadzornog odbora za 2018. godinu pismenim putem, te je predsjednik Skupštine tri izvještaja stavio na glasanje, te Skupština Udruženja jednoglasno donosi slijedeću

#### **ODLUKU**

- Usvajaju se Izvještaj o radu za 2018. godinu, Finansijski izvještaj za 2018. godinu i Izvještaj Nadzornog odbora za 2018. godinu.

Ad. 7. a) i b) Predsjednik Skupštine rekao je da pripremamo realne planove, a ne planove želja. Plan je skroman, ali uvijek napravimo više aktivnosti i benefita. Takav je i ovogodišnji spisak aktivnosti koje planiramo realizirati. Nije jednostavno voditi projekte i poslovi se usložnjavaju. Nadamo se da ćemo



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ŠUMARSKO UDRUŽENJE FEDERACIJE BOSNE I HERCEGOVINE – UŠIT FBIH**  
**FORESTRY ASSOCIATION OF FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

dobiti jednog mladog inženjera za pomoć u radu generalnom sekretaru Udruženja, koji već nekoliko godina sve teže stiže svoje obaveze. Imamo posla za više od mogućnosti jednog čovjeka. Nadamo se da ćemo zaposliti nekoga i probati ga i zadržati ako mognemo, a sve u skladu sa mogućnostima. Stavljamo ono što u okviru kapaciteta možemo realizirati.

Predsjednik Udruženja je istako da su velike obaveze i nekad se prepadne koliko imamo aktivnosti i obeveza. Ja sam odgovoran čovjek i vjerujte da se prepadnem. Postoji mogućnost zapošljavanje preko Zavoda za zapošljavanje. Treba pomoćnik generalnom sekretaru da se zaposli i pomogne, a generalni sekretar Udruženja da se posveti EFNS-u.

Predsjednik Skupštine je otvorio diskusiju po tačkama 7. a) i 7. b) dnevnog reda.

Ahmet Sejdić je rekao da mi treba da insistiramo na pripremi analize zdravstvenog stanja šuma. Ne možemo se osloniti na Federalno ministarstvo poljoprivrede, vodoprivrede i šumarstva. Ovdje nema nikoga od njih i to govori o njihovom poštovanju ove organizacije. Ovo treba raditi sve do trenutka dok se ministarstvo ne oporavi. Ovdje je UŠIT vodilja preko fakulteta i svojih članica sve treba kandidirati i voditi i krajnje je vrijeme da UŠIT kaže i preuzme i počne raditi. Možda je previše od UŠIT-a, ali ovo je trenutno jedino rješenje.

Predsjednik Skupštine se nakratko osvrnuo na aktuelnu problematiku ne usvajanja Šumarskog programa FBiH, Druge inventure šuma itd.

Nakon diskusije, Skupština Udruženja jednoglasno donosi sljedeću

#### **ODLUKU**

- Usvaja se Plan rada za 2019. godinu.
- Usvaja se Finansijski plan za 2019. godinu.

Ad. 8. Predsjednik Skupštine je prezentirao ukratko Prijedlog Odluke o plaćanju pojedinačne članarine u Udruženju, istakavši da je do sada bilo mnogo diskusije po ovom pitanju.

Predsjednik Udruženja je istakao da je nakon Upravnog odbora održanog u Tešnju donešena odluka da članovi iz kolektivnih članica plaćaju po 2 KM/mjesečno, a ostali članovi Udruženja da plaćaju 3 KM/mjesečno. Članarina je dobrovoljna i niko se ne prisiljava. Potpisuje se pristupnica i izjava, gdje je definisan način plaćanja.

Samira Smailbegović je istakla ZDK ovo radimo već 6 godina. Potpisali smo pristupnicu i izjavu, obratili se upravi, gdje u izjavi piše da nam se odbije 2 KM/mjesečno na ime članarine Udruženju. Predali u računovodstvo i ide sve do sada vrlo jednostavno. Treba samo članarinu razdvojiti po poslovnim jedinicama. U Tešnju su svi tehničari i inženjeri članovi Udruženja i plaćaju članarinu.

Nakon diskusije, Skupština Udruženja jednoglasno donosi sljedeće

#### **ODLUKU**

- U cilju kvalitetnijeg i efikasnijeg rada UŠIT-a FBiH, donosi se Odluka o uvođenju i visini pojedinačne članarine UŠIT-a FBiH.



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH**  
**FORESTRY ASSOCIATION OF FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

- Visina pojedinačne članarine za pripadnika kolektivnog člana UŠIT-a FBiH iznosi 2,00 KM za jedan mjesec u godini, a visina pojedinačne članarine za kandidate koji ne pripadaju kolektivnoj članici UŠIT-a FBiH iznosi 3,00 KM za jedan mjesec.
- Plaćanje pojedinačne članarine je na dobrovoljnom principu svake osobe, a koja zadovoljava uslove iz Pravilnika o članstvu.
- Svaki pojedinačni član potpisuje Izjavu-pristupnicu u kojoj su definisani uslovi članstva u UŠIT FBiH i način obračuna i plaćanja.
- Realizaciju ove Odluke sprovesti u svim Federalnim i Kantonalnim institucijama za šumarstvo, te u svim kolektivnim članicama UŠIT-a FBiH.
- Za realizaciju ove Odluke zadužuju se članovi Upravnog odbora, Predsjednik Skupštine, članovi komisija i generalni sekretar UŠIT-a FBiH.
- Izvještaji o realizaciji ove Odluke se podnose na Redovnoj Skupštini UŠIT-a FBiH prilikom razmatranja finansijskog Izvještaja za prethodnu godinu.
- Ova odluka se primjenjuje od dana usvajanja na Skupštini UŠIT-a FBiH.

Ad. 9. Sabahudin Silajdžić je želio da pohvali kolegu Ahmeta Sejdića što sve kolege potiče da se javljaju i govore. Malo više nam treba učešća u diskusiji. Onda bi svi mi ostali dobili veću snagu, pa da i svi na vlasti imaju o nama jače mišljenje. Mi smo kao struka zanemareni u FBiH. Htio bi da damo doprinos i ovo je jedini organ koji je zvaničan i treba da damo težinu u pozitivnom smislu i da direktore i uprave društava potaknemo da nas više podržavaju. Ovo je jedina organizacija preko koje možemo nešto reći.

Predsjednik Skupštine je istakao da ništa ne može preko noći. Vlast mora da vas prepozna i kad kažete ovo rješenje ne valja i to obrazložite, ono neće proći. Loše rješenje zakona nisu se ni našla u Skupštini jer u dobroj mjeri je ovo Udruženje reklo riječ struke i neće proći ono što nije u interesu struke. Svi ste dobrovoljno ovdje i ja ne mogu puno na vas utjecati. Jačanje ugleda struke je naša osnovna uloga. Život je besmislen ako ništa ne napravimo. To je motiv koji nas vodi. Pišite svi u časopisu Naše šume, kako bi ga unaprijedili i da objavljujemo naša mišljenja kao akademski građani ove zemlje.

Predsjednik Udruženja je rekao da su u 2018. godini mnogi dolazili do nas da nas pitaju za mišljenje. Zato se moramo nametati, ali prepoznata je već naša uloga i zato svi trebamo dati snage i sebe na radu Udruženja.

Skupština je završena u 13,00 sati.

*Zapisnik vodio*

*Azer Jamačković, dipl.ing.šum.*